



partii naleraq

27.sept 2016

UKA2016/17

Kommunalbestyrelsinut, nunaqarfinni aqutsisunut ilagiillu sinniisaannut qinersisarnerit pillugit Inatsisartut inatsisaat nr. xx. xx. xxx 2016imeersoq (siullermik Ivittuut Kommunerisimasaanit nunap immikkoortuanit sinniisussamik qinersisarnerup allangortinnera (Naalakkersuisut Siulittaasuat)

Matumuuna Kommunalbestyrelsinut nunaqarfinni aqutsisunut ilagiillu qinersisarneq pillugu naleqqusaaneq, aammalu Ivittuut Kommunerisimasaanut tunngasumik naleqqusaanerit.

Allakkatigut taasisinnaanissamik naleqqusaalluni ikkussineq isumaqatigaarput, tassami taamaaliornikkut qinersinnaanermut periarfissat pitsaanerulernissaat anguneqassaaq.

Qaasuitsup kommuniata avinneqarnissaanut suliaq sumut killinnersoq paaserusunnarpoq, tassami inuit oqartussaaqataanerit eqqarsaatigissagaanni Qaasuitsup kommuniani nukittorsartariaqarluinnarmat. Aappaagu kommonimut qionersisoqartussaavoq tamannalu angumerineqassappat paasersunnarsilluinnarpoq kommunip avinnissaa qanoq suliariniarneqarnersoq ukiarmanna saqqummiunneqassanersoq ilannguillugu matumuuna paaserusupparput. Tassami ukiarma saqqummiunneqassanngippat kommunimut qinersinissamut tullermut inortuisussanngussammat.

Kommunerujussuit pilersinneranni ilaatigut qinersisarnermut pitsaanerulersitsisoqarsinnaanera eqqarsaatigisariaqarpoq. Tassami qinersinerup nalaani ilaatigut inuppassuit qinersinermut peqataanngitsoortarput, illoqarfimmi imaluunniit nunaqarfimmi allamiikkunik uffalu kommunip taasiffigineqarsinnaasup iluaniikkaluarlutik qinersinermut sunniuteqarsinnaanngillat, nalunngilarput allakkatigut taasisinnaagaluartut isumaqarpugullu ullormi qinersivimmi taasiartorfinnut periarfissinneqartariaqaraluartut tamakku nutaamik nalilersuinermit ilannguneqarnissaat kissaatigaarput.

Taamatut oqaaseqarluta siunnersuut akuersaarparput.

Hans Enoksen